

Inungnut Tuhaqtitaujuqhaq

Qilamik Tuhaqtitaujuqhaq

Hivuliqti Akeeagok uqaqtait an'ngajuqhiit atan'ngujat aadlangguqtut

Iqaluit, Nunavut (Qitiqqautijuq 28, 2023) – Hivuliqti P.J. Akeeagok uqaqtait ublumi aadlanggurniit Nunavut Kavamainni (GN kut) an’ngajuqhiinni atan’ngujani.

Kristie Cronin ilauliqtuq GN kunni Tugliunguqhuni Ministamun Havaktulirijitkunni, atulirluni Aagassi 28, 2023. Ms. Cronin havaariliqtaannut piqaqhuni 25 ukiuni havakpaqhimajainni havaarijaujuni Havaktulirijitkutigut, pidjutilihaaqtumilu taapkunani County Essex Ontario mi, hivuliqtiupluni havaqtigijainnut ajurnaktilluni nuutirinirmun.

“Havagvia Havaktulirijitkut ihariagijaujut imaa pijaami kavamavut *Katujjiluta* hivuniqhaata nakuujumik pijaami. Ms. Cronin havaariniaqtaa hivuliqtirinirmun aqhuugutigivaktaptingnut nalvaaqhijaami pihimalugitlu ajuitut inungnik ajuitpiaqtutlu aadlanik ihariagijavut piliuriammi nakuuqpiaqtumik hivuniqhainnut tamaita Nunavunmiut”, uqagtuq Hivuliqti P.J. Akeeagok.

Les Hickey, Tugliujuq Ministamun Havaktulirijitkunni talvamiit May 2022, utiffaaqtuq Havagvianut Kavamaliqiijinut. Ikajuqti Maniliqilluarmun General Alma Power, kivraqtuqpaqhuni tugliukaffuktitaupluni ministamun uvani aujami, utiffaangniaqtuq Havagvianut Kiinaujaliqiijinut.

“Quviagiqpiagumajara Mr. Hickey Ms. Power lu havakpiaqpangmata Havaviannut Havaktulirijitkunnut kavamaptingnutlu tamaat”, uqaqtuq Hivuliqti Akeeagok.

Havagvia Hivuliqtip tun'ngahuktittijaa Michele LeTourneau Tuhaqtipkainikkut Titiraqtiupluni. Ms. LeTourneau avatquhimajuq 25 ni ukiuni havakpaqhimapluni Ukiuqtaqtumi maniliurnahuajittuni kavamanilu havagvia tuhaqtipkainikkut, titiraqtiuplunilu tuhaaraqhanik.

"Talvuunatigut Ms. LeTourneau, havagviga imaa pijaami Nunavunmiut kangiqhimajaami havaatigut Ministait havakpagainnik tikiutijaami *Katujjiluta* hivuniqhaa", uqaqtuq Hivuliqti Akeeagok.

“Qujagijiumajara Beth Brown ajuitpiaqtumik havainnakpaqhuni Tuhaqtipkaijini Titiraqtiupluni ukiumi, kivraqtuqhuni havagviga tamainnutlu Nunavunmiunut nakuuqpiaqtumik”.

###

Tuhaqtipkainikkut Uqarvigijaqhaq:

Michele LeTourneau
Taiguaqhaliurnirmun Titiraqtia
Havagvia Hivuliqtip
867-975-5063 / 867-222-4306
MLeTourneau6@gov.nu.ca

News releases are available in Inuktitut, English, Inuinnaqtun and French on www.gov.nu.ca.
Tuhagqitaujkat haillihimajun Inuktitut, Qablunaatun, Inuinnaqtun Uuiutullu uvani www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.